



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **R. P. Thomæ Tamburini Societatis Iesu Siculi Caltanisettensis, In Alma Vniversitate nobilis Civitatis Messanæ, Theologiæ Primarij Professoris. Explicatio Decalogi Duabus distincta partibus**

In qua omnes ferè conscientiæ casus, ad decem Præcepta pertinentes,  
mira brevitate, claritate, & quantum licet, benignitate declarantur

Continens sex Libros posteriores in Decalogum, id est, expositionem  
præceptorum secundæ tabulæ

**Tamburini, Tommaso**

**Monachii, Anno M.DC.LIX.**

Sodomia imperfecta, num. 1. §. 4.

**urn:nbn:de:hbz:466:1-39995**

De Sodomia cum affine, vide cap.

4. §. 1. n. 7.

De Sodomia uxorati, vide cap. 3. §.

1. n. 3. & §. 2. n. 8.

De Sodomia cum infideli, vide cap.

1. §. 1. n. 8.

De Sodomia cum virgine, vide cap.

§. §. 1. n. 1.

§. IV.

*Sodomia imperfecta.*

**I**N Methodo sic habes: *a* Sodomia imperfecta, quam alij vocant innaturalem concumbendi modum, est peccatum contra naturam, per quod vir cum femina concumbit extra vās naturale: est species distincta à sodomia perfecta, adeoque speciatim in confessione exprimenda: perfecta enim procedit ex affectu ad indebitum sexum, sed licet ad debitum, tamen ad partem innaturalem.

*a in Meth. Conf. lib. 1. c. 7. §. 10. d. m. 74.*

2. Sed quid dicendum, si quis se polluat inter cæteras partes feminae, coxendices, brachia &c. ? Respondeo, de hac re dictum est superius §. 1. n. 3.

Illud hic sive recole, sive adde. Si primo fit concubitus ex affectu ad personam ipsam, sexumque fæmineum, est copula fornicaria, sive adulterina, sive incestuosa, juxta conditionem personæ, atque adeo est aperiendus. Si secundò fit concubitus ex affectu ad præposterarum partes, est sodomia imperfecta, de qua agimus, ac similiter aperiendus. Si tertio denique fit sine

concubitu, sed mere ad explendam libidinem, est mollities ex se explicanda.

3. Si quis tamen fateatur absolute concubuisse se cum femina, regulariter intelligitur fuisse ex affectu ad personam primo modo, non vero secundo, vel tertio, nisi aliud expresse fateatur. Ratio est, quia intelligitur, illum concubitus factum esse more ordinario: mos autem ordinarius est, ut vir cum femina commisceatur ex affectu ad sexum fæmineum. Unde vides, multum differre hunc concubitus viri cum femina, ab eo concubitus viri cum viro, vel feminae cum femina; ille enim est sodomiticus, quia non potest esse ex affectu ad copulam naturalem: hic non est sodomiticus, quia quando vir cum femina miscetur, semper regulariter est ad copulam naturalem.

4. Hic universaliter pro omnibus peccatis luxuriæ velim diligenter pernotes, hæc à nobis dicta esse, ad dandam veram harum rerum essentiam: cæterum in praxi Confessario expediret, tot minutias nequaquam interrogare. Audi Filliucium: *b* prudens, inquit, esse Confessarius debet in exquirendis cautè circumstantijs sexti præcepti, præparatorijs ad actum consummatum, modis minutis non necessarijs, ne se vel pœnitentē excitet ad aliquā tentationē. Audi Coninch: *c* præstat aliquando, Sacerdotem minus perfectè peccatū pœnitentis intelligere, quam vel illi, vel sibi aliquod scandalum

dalum creare, & esse nimium. Audi Angelum: *d* confitetur, inquit, mulier, quod fuit cognita extra vas debitum: non quærat postea Confessarius, in quo loco, vel quomodo, & huiusmodi, sicuti faciunt quidam, qui potius sunt contaminatores, quàm Confessores. Vide alios. *e*

*b* *Filliuc. in Instruct. brevi pro Conf. cap. 2. circa initium.* *c* *Cominch. disp. 7. de Sac. dub. 7. n. 56.* *d* *Angelus V. Interrogationes n. 1.* *e* *Fag. pr. Eccl. 2. li. 4. c. 2. n. 8.* *Homobon. in exam. Eccl. p. 1. tr. 4. c. 12. q. 11. de Lugo disp. 16. de pan. sec. 14. nu. 595.*

## §. V.

*Bestialitas.*

**I**N Methodo sic habes: *a* bestialitas est concubitus cum *b* re animata, non ejusdem speciei cum homine. Huc reducitur, concubitus cum dæmone, quia adhuc ille non est ejusdem cum homine speciei, etiam si assumat formam hominis. In hoc crimine non est necessario explicandum *c* genus animalis, sive sit equus, sive sit equa, sive ovis, sive gallina: semper est enim eadem in specie mortalis deformitas. At si sit concubitus cum dæmone, debet id *d* explicari, quia superadditur peccatum contra religionem, id est, commercium cum Dei nostrumque omnium nequissimo inimico.

*a* *in Meth. Conf. lib. 2. c. 7. §. 10. n. 78.* *b* *S. Th. 2. 2. q. 14. ar. 11.* *b* *Filliuc. tr. 30. c. 8. num. 167.* *d* *Idem ib. nu. 162.*

*z.* Nota insuper, exprimi in confessione oportere, *e* an dæmon fuerit sub forma feminæ, vel viri, vel sub forma talis conjugati, vel talis Monialis Professæ &c. Ratio est, quia tunc, præter bestialitatem, additur affectus ad talem.

*e* *Ibid.*

## §. VI.

*Additio.*

**P**oenæ Sodomitarum legi possunt apud Doctores, *a* quæ omnes requirunt sententiam judicis; solum dubitari posset de excommunicatione in laicum sodomitam; sed nec est latæ sententiæ, ut patet *ex c. Clerici. de excessibus Prælat.* Quoad invaliditatem testamenti Sodomitarum, lege Menochium. *b*

*a* *Azor. p. 3. lib. 3. c. 19. Petrus Mattejus super Bull. Pij. V. 27. qua incipit, Horrendum illud scelus, quæ est contra Clericos exercentes Sodomiam. Navar. c. 27. nu. 247.* *b* *Menoch. de arbitr. li. 2. cont. 3. casu 286.*

*2.* Ex copula nefanda non oriri affinitatem, *c* sufficere *d* tamen ad divortium, jam nunc communis est doctrina, apud Doctores fufius legenda.

*c* *Sanch. li. 7. matrim. disp. 64. nu. 13. & 14.* *d* *Sanch. l. 10. matrim. disp. 4. à nu. 2. S. Th. in 4. dist. 31. qu. un. art. 1. ad 4.*

*3.* Quoniam, ut modo innuit, reservatio cum sit odiosa, restringi debet in casu nostro ad sodomiam unde quaque certam, quaestio celebris est, an reservata in aliqua Diæcesi sodomia abso-

lut.